

四庫全書

集部

欽定四庫全書

集部

懷清堂集卷十一至十四

詳校官左中允臣瑯五珠

助教臣常循覆勘

總校官進士臣繆琪

校對官中書臣戴衢亨

謄錄監生臣張鴻仁

欽定四庫全書

懷清堂集卷十一

吏部侍郎湯右曾撰

寒雲寺

寂寞寒雲寺雲來特地寒
壞墻塵自合老柏榦皆攢
欲分香飯天教趁冷官
貝多真實語只道汝心安

修武道中

懷舊山陽里天高落木空
覆盃巖石上吹笛竹林中
寂寞

金定川集卷十一
卷十一
冥人埋照昂藏鶴入籠達生差可託嵇阮此遺風

次新城先生韻題王秋史二十四泉草堂圖

七十二泉上家泉望水泉

泉名

由來著書地不記種松年

世外三畝宅山南一朵烟詩人好鄰並白雪舊樓前

城南校射答趙豐原太守即用見貽原韻

龍門雪將下先集乃維霏如山卷牘空靜若僧退院城

南闢廣場農功出餘羨旗門好身手文雅事一變前臨

三池上定水花幾解

城南景明寺有二池邢子才碑文云金花映日又云信徒法侶持花

成

回頭洛陽塵烽火憶苦戰吾曹太平日弔古如夢電
風雅得使君才具當八面拊髀思頗牧詎不在鄉縣富
貴大槩耳士取意所便寧必老書生兀兀破萬卷相對
共一笑斗酒且懼宴

贈王孟毅壘前韻

歲寒青松枝百尺飽霜霰佳人紈扇曲淒斷涼葉院先
生包古言如賈三倍羨蓬萊清淺水幾閱市朝變寒來
青芙蓉一一手中辦如何老驥伏不令猛士戰會當灑

天瓢玉女開笑電今朝風雪夜燈火故人面嵩陽尋雋
師百里阻山縣且留訪伊闕快馬短衣便石脈散淙流
韋郎舊吟卷相期二三子攜手共游宴

送王秋史再疊前韻

洛城三日雪庭宇復飛霰子抱卓犖才不歸學士院來
言不得意買田思陽羨論道阻江湖坐看浮雲變家鄰
華不注天際青一瓣抱此靜者心不問蠻觸戰昨試禮
部作迅速走驚電暗中識光芒馥蔑無半面

予在禮闈
最後得秋

史卷素亦
不相識也

將規讀書處不少山水縣子其慎自持獄市
視民便文章經國事撐拄五十卷終期賡倚那言從柏

梁宴

歲暮感懷三疊前韻

迫茲歲晏晨滅滅警風霰憶彼少年日陰陰宿花院來
者詎得知往者徒可羨雕鎬肝腎竭顛頤齒髮變天寒
除架日瓜摘無留瓣嚴霜一以零不救脫葉戰欲尋三
乘法機鋒擬掣電不爾入醉鄉臘甕撥醅而文章差底

病那用驚九縣甘思腊膜美煖想腰脚便亦有小兒郎
之無甫開卷春盤猶可及歸覓團圍宴

趙豐原太守招遊龍門香山竟日做樂天體

賓游聯騎出城闌山水佳時氣色新底用清商隨一部
不須明月作三人餘霞似綺連嵩少殘雪如花舞洛濱
多謝風流賢太守十分先借水邊春

香山泉上懷韋蘇州

韋郎昔著書暇從山水遊永日未能去愛茲泉上幽泉

水至今碧漾漾寒藻浮靈液冬不枯煦若春和柔夕潭
激彩翠散綴明珠稠涵虛本同源潤物或殊流感此悟
物理喟焉思前脩臨池兩嘉樹樹老枝相樛攀條為泣
然斯人邈難求大海粟一顆終古貉一邱不知後視今
感歎有此不

石樓灘

積鐵山幽幽濺波石齒齒不見樓上人時聞灘下水

洛中絕句

南北由來嗜好殊幽人風味不全孤玉川三百團團月
一字何曾道酪奴

庾郎鮭菜二十七啗點何來李令公洛鯉伊魴非俊味

白頭韭出客盤中

志稱洛韭
至美果然

屠兒割肉妓兒繩敏捷當時甄李能何事江南老常侍
只將片石說韓陵

士馬并州劇亂麻淨宮兜率洗鉛華洛川多少興亡恨
惆悵年年揚白花

微君之故乃泥中婢亦知詩似鄭公不解雙聲定何語
冠軍家自有春風

南園池館久飛灰將相功名何有哉三十六峯雲雪路

只應招鶴更歸來

裴晉公有南園靜興詩

子粒芒紅檢校頻兩京薄產事艱辛將書苦憶東屯老
伊闕年年有好春

香山寺裏留遺集盃酒何如身後名今日橋紅沙白路
一篇長恨舊風情

龍門雪下有佳期
車馬漸漸水上遲
但使都廳遺事在
未嫌歐尹不同時

破垣遺竈天王院
陰雨元功剩幾家
歌管層層春處處
夢中猶看洛陽花

除夕奚里鋪

雲林入幽處
烟火半巖間
家飲洛川水
門臨少室山
祝雞翁寂寂
飲鶴澗潺潺
今夕是何夕
儵然心更閒

黑石渡

昨從邛山來今從邛山去邛山朽骨萬萬古惟有行人
朝復暮黃金蝕盡白石爛螻蟻三泉尚知處我來欲酌
酒一盃落日荒荒下前渡

元日發鞏縣

看山四面碧嶙峋且免車中色邑人殘雪未消前度臘
寒梅已帶乍回春老知時節心情減閒覺風花景物親
二十年來兩元日天門頂上洛河濱

丁丑元日舟次白沙村登天門山絕

頂

過虎牢關風日晴美

關門設險笑徒勞
絕壁緣雲舊虎牢
黑色小兒空百戰
也從洛口塞成臯

纔言今日已春還
春在融融冶冶間
柳意漸蘇波漸活

東風先上虎牢關

關上有清泉
夾植楊柳

須水店壁有題句
云風滿山頭月滿城
坐深衣袂

覺秋生何人解識吟
蛩語此是江南露下聲
後

二語絕佳不知誰作也
依韻一首

遙知木葉下秋城
七字吟來太瘦生
最是水天涼月夜
人間惆悵子絃聲

元夜在汴城偶念孟元老所記東京燈火之盛感
慨係之雜成斷句

春波細細縠紋生
歌扇飄殘宛轉聲
帝子不傳新樂府
詞人空說舊東京

從教百戲幻魚龍
花陣香山幾萬重
九十尺連青漢起

可能留得最高峯

尺數有一峯最高至九十九尺

千枝萬影朵樓開一道銀河瀉露臺天上忽飛金鳳下
雲中時看玉龍迴

兩行綺陌界朱杈燈火三更夜市詳月到五樓明似水
一重縹瓦一蓮花

重添兩夜試燈期猶說錢王納土時鴉鷓旋中光眩轉
路人爭踏五花兒

萬歲山前望貢雲香中百和最氤氳遊蜂冶蝶非時見

先繞雙奴玉線裙

宣和間汴京元夜
有使喚蜂蝶之術

蕭條相國寺如村指點菩提葉翻誰信當時正月半

范石湖詩
夜夜長如正月半

綠牕朱戶盡歡門

王傅宅邊春月皎太師橋畔午風和

劉子暉汴京紀事
詩夜月池臺王傅

宅春風揚柳太師橋

試教點檢蜂兒看黃雀披綿有幾多

蔡京點檢蜂兒

見在數日有三十七拜王彌盛時庫中黃雀蘇積屋二楹

窠石空留四畫圖赦書著脚語何愚烏犀白玉煩緹裘

重入思陵卷軸無

水底鞦韆水上舟試燈纔罷又春遊紀聞南燼裨官筆

風雨移州夢汴州

邳縣阻雪不得謁蘇公墓

江河萬古會同流
天半峨眉汝水頭
長恨身宮坐磨蝎
空懷歸計老菟裘
黨人遺籍悲他日
瘴海餘生盡此州
蘋藻墓門思一拜
亂山風雪閉松楸

遊風穴寺

為愛連峯好連峯
窈窕間清冷風出
穴曲折寺藏山翠
柏陰皆合叢篁
窳不刪門生傍
籃輦應識老夫間

喜公池

喜公池上坐竹裏
暗泉聞細脈中峯落
淙流下界分半規
如得月一縷欲生雲
萬箇篔簹外
儵然鸞鶴羣

牆角杏花

長紅小白態交加
一隊春中五杏花
他日東風夢臨汝
鶯鶯燕燕各天涯

風穴

萬竅忽怒號
林摧巨石走
太虛只一噫
盛自土囊口
我

嘗笑斯語索之無何有茲焉乘風颭絕頂延佇久言尋
萬古穴橐籥落吾手竒踪目覩擊虛牝神所守何必天
西南仇池九十九蕭梢如欲起先已在跟肘應蘇久沈
疾乍醒初中酒下山總茅庵絕境屢回首歸駕豈免促
平生覺多負蘭臺快哉雄歌舞樂速朽冷然北窗下輸
爾山中叟

柳湖用東坡寄子由韻

邱上那復更有邱爾雅誤讀笑刻舟宛中宛宛一湖水

坐覺寒碧生船頭
一生拍浮此便足
何必鼎食羅珍羞
家在江湖狎漁釣
舟居陸處知誰優
扣舷似汎溟漲濶
浮芥便作坳堂遊
天公寒暖捉一律
喫雨占晴定何術
昨來蛺蝶飛作團
今去黃蜂釀成蜜
空餘隄柳絮翻撲
誰信山茶榦蟠屈

子由有詠開元寺山茶詩

浮世眠食功與勞
休論

奴僕今旌旄
宛邱先生讀書處
美酒飲罷餘離騷
我衰學廢瓶壘恥
馬肆還來持尺筮
差勝六年言責地
終日

一談惟唯唯

用蔣儼貽田游巖書語

食蚶萬事寧
復知蠟屐此生

當著幾文書堆案日有程樂哉此舉非無名

時以校
射出郭沿

湖一葉恣來去矯翼沙鷗箇箇輕

子由讀書臺

銅狄摩挲五百年旱湖幾尺水生烟鷗邊莫笑舟如葉
門外猶疑浪接天梨棗有時看得道弟兄相望憶歸田
一尊花下提壺共二老風流尚儼然

陳州先後得元朗及家兄篆辛下世消息

空齋對酒不能持兩日開書兩度悲夢裏池塘失康樂

曲中山水憶鍾期
舊來門戶真何託
爾後詩篇待寄誰
太昊陵西頻感歎
無緣重問百莖著

睢陽秋暑轉熾
因次東坡人皆苦炎四字韻詩作

四首

欲割秋間六六鱗
鯉魚風未起青蘋
小詩亦有偶然作
高枕偏宜率爾人
手握冷蛇仍自熱
心調狂象苦難馴
月寒日煖飛光速
始羨仙壺萬古春

白汗翻漿日日皆
如山卷牘對公齋
時當火見三庚伏

人笑烟昏七竅靈
秋思江南花似雪
飲徒河朔酒如淮
惟應一餉清涼樂
凍雨傾瓢水上皆

鄉生枚叟已黃土
高李風流難指數
說士深知視肉甘

守官誰信如荼苦
青蠅白鳥

蚊也白鳥營
營出金樓子

空營營衰鬢

華顛餘縷縷
先生罷酒且休矣
門外統如打曉鼓

星河耿耿夜厭厭
漸覺冰輪影挂簷
歲月坐驚蛛網戶

暄涼行看燕辭簾

計秋分時
始得去

一杯沆瀣應知渴
八尺琉璃

璃好避炎睡足風
軒念羸老敢言不
病壯夫疴

賦得微雲淡河漢

路迴飄將斷
河明淡不飛
西流水清淺
左界雨霏微
斜度穿針閣
遙停織錦機
似聞瑤殿裏
裁作不寒衣

天宇纖埃斂
風林殘滴聞
光穿榆歷歷
影散月紛紛
半卷隨河霽
全消入夜分
九秋閒淡意
只似雨餘雲

同祝良仲項蛟藩王雪子夜汎柳湖

欲采湖中花
值此良夜永
翩然一棹出
明月浩千頃
茫茫蒲蓮海
汎汎漁釣艇
撥觸船底聲
搖溶波上影
勞生

牽物役百年苦鼎鼎詎意執掌餘獲茲幽絕境此邦許
我老茅茨結孤迥李鷹或思吳歐公常慕頽人生苟適
意異縣等同井嘉二三子賢高世比張邴偶然遊賞處
別有天機秉境寂物態閒心清塵慮省巖城數漏鼓坐
久風露冷黃緣遂忘歸魚鳥逐清景遙聞九臯外孤鶴
時一警

晚過簡可太守汝陽池上講堂

蓮塘一夜霜萬葉颯已枯爭言秋可悲况當歲行徂歲

徂何足惜衰鬢非故吾昨來汝南行先賢傳有無往者
利如錐只今競鎔銖我慚文翁化刀布蜀物俱習歌述
德詩欲選楊何徒手脫眼復暗文字愁模糊憫茲經月
勞忽得一餉娛宛宛開明鏡虹梁爛神扶玉堂清且嚴
似入仙人壺邦君自公暇結構城南隅百頃面風漪談
讌羅文儒我忝廿年舊懷抱亦不孤西風吹木葉落日
低浮圖回睇甘露門佛香生寶趺光景既復佳還來立
斯須分火照歸騎驚起城上烏

再到汝陽

目極淮西古戍樓，烏烏殘角似邊愁。
一池鷺鴨寒波沒，八代文章斷碣留。
夜半火光穿虎落，曉來寒色犯貂裘。
病夫自笑推顛甚，風雪連天入蔡州。

沽酒行次胡抑齋侍講見貽原韻奉答

冰雪凍天地，臘甕忽已香。
破殼新鷺兒，欲取大杓嘗。
康成飲一斛，八尺頰而長。
叔夜玉山頰，不用人扶將。
先生溫克姿，性如九醞良。
獨醒視皆醉，濡首時一昂。
晉安餉

五經不誤縹與紉往歲關隴間檢校費幾囊至今沃廬
管曾不羶黃羊歸來好事載時就元亭揚風味念麴生
傾倒有索郎顧影每獨盡間和淵明章且莫嗤惡客

不飲

者為惡客出
元次山集

害馬入歡場亦莫厭醉侯此藥未腐腸試

共法士語大笑恐不詳美哉惟江公妙論入微茫

夜半至柳湖宿蘇氏園

前臨柳湖口月色照履迹十里寒烟中犬吠林外雪馬
煩車亦殆予亦倦于役稍喜燈燭光開門遲來客

卧疴汴城間寂無事偶於齋東隙地編竹籬雜植
叢花小草期春夏間蒙密爭發亦可愛也因題

一首

窄窄編門短短籬藤纏花繞便能奇十年種樹心應嬾
三月成陰事未遲歲久莫愁秋雨壞日晴惟待好風吹
老夫管領春光在桃李無言自不知

明日復用前韻

千條萬葉欲穿籬幻出空齋一段奇漳浦自憐多病久

劉郎不恨看花遲
新歡良夜金尊滿
往事鄰家玉笛吹
絲竹中年賴陶寫
若論兒輩莫教知

次韻查悔餘見貽

風急天仍雪
春寒晝苦陰
故人空谷訪
衰病隔年侵
老辨中邊味
禪空愛染心
忽蒙題好句
一字一兼金

海內稱詩伯
天邊閱歲寒
霜松心共古
溟漲筆爭寬
蓬戶延新益
蘭臺忝舊官
應憐衰謝意
只作朽株看

淇汲道中與毛侘再

淇汲春風已滿川
花花葉葉各欣然
輕烟薄霧熹微日
最是詩中畫裏天

哀怨猶傳水上聲
驛門花事十年情

丙子入黔與
衆再同過此

太行

山下東風路頭白
重來並馬行

聞道說詩傳世業
不須捧檄羨微官
二王遺法分明在
落筆從人袖手看

泣玉投珠苦亂真
一篇窮鳥尚長貧
二十石不如逢掖

始信威明是可人

時將
之京

將遊黃華會病不果寄題四絕句

世緣道味本難兼
方丈維摩病轉添
夢到青山看飛雨
一條倒掛水精簾

避暑宮猶故址存
炎天冰雪瀑流翻
晉陽萬騎圖中見
霸氣西風賀六渾

何處天花引佛幢
數弓閑地拓春窗
此身只合針鋒隱
底用山僧四十雙

片石莓苔劫火餘
王郎妙墨比何如
隆慮山下秋風早

滿谷黃花夜讀書

奉文寺西廊

颺幕風高花事稀
蘋蒲一樹思依依
祇應三月長廊下
記取年年似雪飛

道旁妃塚

窗中玉女烟霧空地
下香骨埋春風
層城珠樹有搖落
無賴野棠紅
故宮盤龍古鏡迴
雙頸省識釵茸
昔花影
綠雲一散不歸來
嗚咽泉源寒玉冷
人間歲月秋復春

葬時百物隨輕塵土中拾得黃金雀回首可憐傾國人
楚魂湘魄無休歇白道年年直如髮珠簾斷盡望京樓
猶照羅衣舊明月

百泉試院喜雨

剌山出飛泉散作百道乳歡喜千小兒一洗饑渴苦我
持此願力默坐何所補大哉天公仁憫此欲焦土山中
氣候變倏忽雲生縷竹間騷屑鳴晚來泉上雨陰連太
行秀地入嘯臺古得酒對明燈中夜更起舞

百泉蘇氏小樓

垂柳垂楊綠可憐
一泓春水細生烟
小樓光景常如畫
獨客心情只似禪
紅藥喜霑三月雨
青山長憶百門泉
此身婚嫁行將了
或恐巖栖有舊緣

試院水亭

蕭蕭夕葦鳴磔磔
春禽語堦下
濟水深窗中
太行雨

題匡山瀑泉圖

倒挽大海流
忽下青天來
萬古一匹練
日走空中雷
樓

賢坐禪客靜聽如嬰孩仁者心不動聲聞何有哉看畫
如看山恍與支許偕紅葉飛林杪白雲宿山隈當時謫
仙人笑口為之開欲從乞涓滴瀉作萬瓊瑰

四月十七日晚霽宿香山寺

忽湧珠宮眼乍明毗耶長者舊經行門臨水態山容好
客到終風暴雨晴楊柳老無飛刺絮琵琶淒斷譜餘聲
白毫光裏黃金色幻出魚龍繞化城

是夕張
烟火戲

城南蘭若

偶因送客入孤村一帶蒼烟繞寺門長者更誰金可布
人間不信石能言內有周使君碑含風細葉蟲吟早帶雨幽花
烏踏翻牆下蕭郎兩叢竹它年曾見汝生孫

立秋前一日吹臺奉送雄飛蛟藩雪子南歸同用

秋字作一篇

賓客平臺訪昔遊浩歌酒罷重離憂可知舊雨勝今雨
他日杭州說汴州樓閣尚烘三伏暑林臯又到一年秋
登高作賦須公等天上黃河繞郭流

秋榜放寄萬生西田

錦衣玉食李方叔，穠李夭桃秦少游。
絹襍秋風詩筆在。

且從南嶽闢諸劉

謂劉太乙
庶常昆弟

紫泉山下稻畦香，朱老東鄰有草堂。
莫遣清樽負重九，桂花零落菊花黃。

九日

白髮依時至，黃花太瘦生。
亡何聊可飲，重九愛茲名。

淵明

九日詩舉
俗愛其名

病廢耽書課，閒餘抱甕情。
暫來籬下坐，指點

金史四庫全書
卷十一
說秋英

立春日

苜蓿先生到骨貧一尊酒尚可娛賓丞哉數慢應如我
老矣無能只畏人冷煖暗移銀箭水顛狂任鬧土牛春
小饑忍待明年麥日望東郊雪意新

日長

雨荒三徑掩蓬蒿贏得吳葵幾尺高誰道日長無一事
野人門外送櫻桃

三月廿七日偕諸友人吹臺小飲

晏溫天氣景冲融勝地招邀勝侶同節物今朝春更夏

是日
立夏

亭臺昨夜雨兼風九原賓客思公子萬乘旌旗謁

故宮倚遍欄杆獨惆悵落霞遙映酒盃紅

贈別陳五玉

相逢兩世記交情書記翩翩方盛名早對楊梅人已異
新題鸚鵡座皆驚土風偶采陳留傳地主應叨許氏評

李義山詩叨蒙許氏
評謂真意大令也

三度春燈上元夜他時莫忘汴州

城

丁亥戊子己丑元夕
五玉皆就余大梁

大梁歸吳寶崖以四絕句見貽依韻奉答

百川東下幾西迴
樗櫟天教養不才
千樹桃花等閒事
底須惆悵看花來

公事誰如松下哦
可憐辛苦學陰何
三年八座春風少
千里懷人夜月多

飛鏃塵埋古汴京
百年弦誦賸遺聲
須知食肉封侯地

癸爾書生說管城

壺中日月卷中詩燥濕絃從指上知拔俗云誰出新語
為鄰自古愛清詞

題吳寶崖雪龕煨芋圖

異時求仙人辛苦為服食年年餌丹砂未見生羽翼不
如寸田裏日夜掃荆棘此身如芭蕉霜霰將歲逼寧知
雪龕老有此冰玉色芋火衡山陽竒蹤出伏匿披圖感
遺事宰相讀書力啖此毋多言仙骨會當識

古意一篇答山言編脩

佳人坐華屋織錦寄相思脈脈窮巷女寒衣白素絲蘭
茗春有贈桂藥秋方期婉孌保歲晏非云雲起時

雨後月出復為雲掩

團團白玉盤澱澱黃金色沈沈清虛府蕩蕩水精域經
旬積雨洗明鏡淨如拭坐望夜景澄忽悵天宇黑冰蟾
雖斲好奈此蝦蟆食未成如輪滿已妬為弦直喟然增
煩憂何由豁胸臆浙漉仍空階翻飛少歸翼何當掃昏
翳一為破側塞清風颯然來真宰信有力

題盧素公庶常抱經圖

昔者吾先君友生求海隅通經鄙章句獨得博士盧風
雨四十年壞壁餘榛蕪兩家子弟中君握瑾與瑜世業
明春秋學先啖趙徒我聞聖人義一字懸褒誅五石與
六鷁詳略徒區區三傳誠穿穴專門守拘迂如何盡舍
旃虛空尋坦途君博且知要奮萃羣言殊少翁修先業
授受寫此圖秀骨清而丰未覺列仙癯我老久廢學西
家一愚夫竊聞古經術本以應時須君方上玉堂佐化

金少川八十三
卷十一
若唐虞母為決事比後世譏醇儒

閒居遣懷

負疴得閒居誰云常寡歡寢跡窮巷裏故人青雲端時
時來相存勞苦問煨寒間或具酒食亦未陋儒酸言詠
風月佳良夜每向闌因思三月病豈不在一官及茲未
朝請轉幸啟處安既安何所須大笑挂壁冠

昨日苦鬱蒸赤脚不可韞中宵氣候變浙浙涼颺發軒
窗忽飛雨遠夢落清越朝來疎鐘動冠蓋趨

天闕泥滑詎可行迫此後期罰繁余獨何事睡起意未
歇既晏加我餐乍涼柳我髮嬾慢會當免眷焉竟此月
謝彼燕頷姿稱此山巖骨

愛山不在山田歌非知田古嘗有此語吾寧不謂然猿
鶴文或移沮溺心相關山林與鐘鼎天性各所便古有
獨行士九十常饑寒矧余東岡陂自守乃不堅連年復
衰疾覽鏡非朱顏親舊半怛化自顧良獨難行歸秉我
耒猶及秋風前

鷄或疑九霄魚膏樂十里豈知樊籬間不出盆盎裏去
來隨運化小大有物理我家南山南衣食粗可紀間思
琴書弄遊值風日美招邀到緇錫談笑及兒子戔戔岱
與高下視蟻蛭比瀛海環九州坳堂一杯耳

前年梁宋交三月冬無雪去歲復苦旱中夏失雨澤我
乘使者車憂虞朝逮夕江淮又大水彌望失阡陌粒米
貴於珠念此肺肝熱昨來長安住升斗太倉糴茲焉復
連陰秋稼恐不實行愁米價貴何以安我室

至尊軫民艱公卿屢前席訐謨廟堂事聊復守蓬蓽
布衣一言死何況明主恩誦詩及此篇感激衰涕繁十
年為諫官事每上殿論迂濶乖衆議數蒙

天語溫雖微古人節庶幾職事存三年復來歸冗散日
閉門江東頻水旱饑餓愁黎元進既謝言責退傷久疾
魂太行未云險中有虎豹躡咫尺生濤瀾蛟螭詎無痕
報國事已矣終身歸灌園

喜馮文子至

欣聞故人駕來共菊花時吳會幾時發高陽隔歲期烟
波三載濶風雪一官遲攬鏡休嗟歎峒堯綠玉枝

陳清堂集卷十一

欽定四庫全書

懷清堂集卷十二

吏部侍郎湯右曾撰

東便門外某氏園別山言授一聿脩峙公

文章報國愧虛名

詔下輶車指舊京
待訪神淵龍起處
應經絕塞雁歸程
潮迴滄海浮家去
日落青山罷酒行
公等莫嗟垂老別
未除豪氣尚縱橫

宿通州試院

依然襖被宿寒廳觸迂間愁白髮星喚起高陽舊時夢
三更風撼閣前鈴

潞河

雲物入清曠秋聲兩岸蟬含情西路水也自解澄鮮

京東州縣多被蝗害

蔽天從西來聲若殷雷奔投東倏而下一下無千村萬
萬攢黑蟻布野如雲屯遺蝗復生蝻下食盡草根欲秉

昇炎火種多不勝燔積雨則掃除安得天瓢翻捕蝗載
令甲州邑愁思繁撲滅少後期章劾肯見原擊鼓集衆
力解鞍傷客魂古有不入境得非政理存我欲因事規
小吏何足論

薊州城北二十里僧舍

身許雙峯未有涯耳聽門外響三車高人住世仍忘世
窮子還家詎是家半缺月如懸破鏡一條水似漾長蛇
思量入道今衰老旋得歡娛旋歎嗟

望盤山

深松隱上盤中盤
杳何許白崑嵐
氣濕已作前林雨
歸來采樵人衣上雲幾縷

借枕僧廊眠東軒
滿山翠淙淙桃花水
散落桃花寺已似
隨清風泠然引而至

玉田

仙人石一升石爛
不堪煮持歸南山
下種作好眉嫵已
訝隻成雙復驚一
得五熒熒絕代子
未笑心先許

雨宿沙河驛

出塞一身遠將家八口同百年均是客多病久成翁

蟋寒燈雨蠨蛸破驛風猶欣小兒子笑語寂寥中

兒子學基

方九歲牽未繞
膝差慰旅懷

盧龍道中

山形谷勢何多端輪推軸折車過難兩崖對束巨石礙
一逕斜轉陰雲盤下復泥深行不得我馬哀嘶病無力
愁霖積淖闕塞長始信人間路偏仄

兔耳山

放浪天教養不才四年踪跡亦奇哉題詩嵩少三花去

走馬平營五頂來

兔耳其一也

眼見海神鞭後石手捫仙客

奕時臺飄飄似把浮卽袖笑看滄溟水一杯

榆關驛懷先兄篆辛

嗚咽桑乾水三年不忍經榆關關下路愁見暮山青小

驛逢鴻雁西風痛鶴鴒感恩餘故吏

榆關驛吏先兄今樂亭時遇之有思

欲語涕交零

望海岡歌

西踰連峯山東上望海岡海中滉漾亦何有但見積水
青茫茫忽然虛無中浮出蜃氣黃秦皇島邊一綫起欸
見邈迤隨風長精靈下聚珠貝闕光影上駕虹霓梁傳
聞此地海有市高秋澄澈疑可望五城十二樓隱現波
中央人間那得我崑老神所勞矣爭開張窮壻毫髮入
大荒白虹蕩蕩浮龍驤海童邀路不敢過漁父一葉歌
滄浪塵中憂患未可量頭白死生空爾忙舟中嘯咏謝

金石錄卷之二十一
卷十二
安石臺上輕舉燕昭王環洲仙草萑蒲香鬱夷金霧含
晶光成塵何處辨五嶽枯倒重見生扶桑不思駭麒麟
亦莫翳鳳凰鯨魚掉尾幾萬里送我羽節朝東皇昔遊
洞庭卧岳陽空明倒景搖瀟湘未騎碭水赤鯉去復看
折木青鸞翔笑爾椿槿誰短長超然已入無何鄉揮手
為謝安期生如瓜之棗不足嘗

澄海樓

大海東迴水波惡如山浪打長城脚千年萬年鬼夜哭

冶鐵銷沈石崩落王公設險古制存屹立重關嚴鎖鑰
干戈相尋遠不數六十年前事如昨大盜移國明社墟
頹洞烟塵昏六幕是時闔門臨賊壘白日旌竿莽蕭索
奸光滿盈人鬼怒世運艱屯

神聖作飛龍首出在九天熊虎戎衣只一著石河西南

破賊處父老猶言戰時樂

後漢書今見其
戰樂可言耶

不聞人聲聞

刃聲霹靂推枯風掃穽只今車書通萬里天下一家無
厚薄名都貨貝街喧闐屬國賚琛驛交錯承平暇日展

游眺賓客閒情寄觴酌茲樓我到亦偶爾萬古心胸忽

開拓更喜天容海色清側身東望蓬萊閣

土人言天氣
晴明往往見

登萊
也

山海關

東西誰界絕封此一泥丸地接長城險天浮渤海寬連

山趨碣石積水見辰韓吹角關門出邊風馬首寒

前衛

上下經重岡溪風亦多厲我行困登涉日暮前屯衛女

牆被秋草廢壘今易世闕東歲屢稔外戶夜不閉物情
貴所無價賤米狼戾輪蹄交道路入關未迨邇來逢車
連連賣穀供王稅時當三農隙市通百貨滯差幸關內
民蝗餘獲少濟我聞海絕島鯨鯢未盡殫時出犯風濤
無地可樹藝餘糧括海舶間亦施小惠賈往三倍収法
令不能制官司為耳目上下久蒙蔽寄語橫海軍首須
祛此弊海口出粟禁豈但東南際民愚無所知國有萬
年計

望覺華桃花二島

我循山行若弓勢脫手彈丸兩黑子鯨牙撐突波濤翻
鰲背坡陀島嶼起龍宮浩劫不可問碑兀海雲何處是

島中有龍宮
海雲二寺

聞道殘僧餘兩三買薪時復來城市

寧遠州食蟹

海濱物產珍錯交食指一動隨所遭飽聞稻香肥郭索
白玉脂瑩去黃金膏蒸未出釜羣聲噉豈知手擘餘空
螯大笑口腹負老饕人間名實多汝曹

中秋寧遠道中

雲帆稂稻存遺島

謂覺華

野戍烽烟斷古城出塞始知山

遠大入秋彌覺海澄清樓臺何處蛟龍氣風雨中草
木聲誰遣琵琶弄明月醉餘添得放歌行

小凌河

松山行處戰場多殺氣連營夜枕戈今日斜陽照禾黍
秋風孤雁小凌河

入錦州界喜節孫通守至憶丁卯秋試時同館李

文定公家忽忽二十三年矣

談天翁在海東頭落筆千重抱壘樓日名諸生試家法

通守在州日以
教授諸生為事

誰如別乘最風流尊中竹葉歡今夕院

裏槐花感昔遊廿載相公門下客幾人有淚灑西州

十三山頂

拔地忽起十三峯峯峯突兀如排空多年石花封白黑
終古壁色填青紅捫蘿得路到巔頂大漠清秋散光炯
烟螺一點浮空虛雲氣已接盤巫閭

醫巫閭山

虞封十二山暨巫閭鎮幽一重復一掩秀色橫九州元
化始煦嫗神功繼雕鏤巨靈右踏足斷鰲左昂頭百里
盡東驚天際穿雲紉一一青蓮花萬手拳不留其下作
巨鎮祠廟歲增修內府出金錢寶翰蟠銀鈎焜燿萬萬
古豐碑樹崇仰秩禮視三公圭幣薦百羞五風而十雨
有禱神必酬登望義州北邊陲昔虔劉長劍斬封豕壯
士脫兜鍪于今隸王官婦子樂鋤耰時載十圍木出市

布與裘夫犁帛僖營懷古風颼颼移屯耿校尉無慮搯
其喉萬帳請受降兵氣如連牛餘威震東部弩矢貢挹
婁前臨望海堂指顧發一漚閭浮百億界小水笑麟洲
昔者東丹王校獵來清秋忽慕吳太伯舉帆越之罟隨
身千卷書美人同綵舟丹青入圖畫秘府多藏收洛城
血坡陀歸魂招得不猶聞影殿在歲久不可求前年地
忽坼遺蹤出山陬朱門森陰沈髣髴垂前旒牧豎不敢
今風雨聲啾啾昨者楊縣尹始掩土一抔我欲鑄之石

大書立道周驅車涼風節青巖

寺名

雲木稠上尋瀑布泉

下訪潛龍湫夙與禽慶期願接盧敖游行常見白鹿夾
我巖前轉人生知幾何悠悠復悠悠遙從五岳外高視
滄溪流

途中兩臂疾甚戲作一篇

老夫秋來骨欲折兩臂攣如痛不絕昏疑魂夢戰水火
裹若支骸創金鐵少年萬事不自料縱意初涼好時節
奴搖大扇卧不休被著輕綿手先掣陰寒中人到今發

疾病隨身向誰說或言長孺老虎翁皆坐三年頻嘔血
形枯髓竭應爾爾石戴杖花復車轍道逢健兒好身手
歸去兩狼挂鞍首有力惟呼惡馬騎輕身慣接飛猿走
臂鷹牽犬最稱能射雕扼虎尋常有相看意氣尚雄放
何法醫治此衰朽屈伸不廢五禽戲提攜猶可三升酒
古有折臂終作公客來舉此慰我窮壯士斷腕不可學
高人曲肱將毋同寄謝黃金印如斗無緣得繫衰翁肘

渡遼水

勝衣誦明文何假七營士舞戈笑公孫計出中下耳
六合城何處天涯無錦帆空憐麥鐵杖只博淺黃衫
白衣渡遼隧果毅雲泉府當時凌烟人惆悵李景武

雪堂同年見示近詩奉簡

貢書早歲忝同年西掖南臺佩接聯遮道每驚狐截尾
出雲誰見鷲空拳騏驎地上行將老松柏霜中節更堅
旦晚會承宣室召不須吟誦白頭篇

食粟

何來此佳果初飭客盤新
覓自小年日投從隔坐人
如拳空較大似蜜已先皺
俯拾山寒路狙公莫浪噴

雜詩

蓮泊

在城西南

十里外似聞風露香
明珠剖蓮的滿滿無空

房中有么荷拳味苦不可嘗
味苦猶尚可甘恐腊毒傷
誰云蒸羊腔乃不美蟹胥
風味固差別一笑未要渠
此邦無監州我官况晏如
惟當勤撥甕東來載麴車

仙苗劖三極貢等天府琛
市人一笑闕齊危作人參真

偽久雜揉清鑿宵然深鷄鶻彼凡鳥詎有威鳳音

我有好頭赤得之西南隅秋城雲拂地復生叱撥駒三日走及母騰踏萬里姿雖慚苑與資勿忘貧家為

芻狗入我夢美食趣名客遼水魚上冰盤中卧三尺割鱗不割箸小點瓜蒞跡頓頓飽老夫肥如瓠壺白

纖纖不可整欲理如亂髮

土名烏刺草

是生有奇溫策勳歲

寒月軟襯將穿履細衲纔製襪情話遙夜闌地爐謝櫂
拙

城東小河崖

去城五里

出泉自甕沸日供萬室飲造物不知

費連年濁水源凡骨滯靈氣溜澗今可辨更思味外味
織者身常進耕者身常退進退兩不知天機各有在
非戶限上就列力未逮辛苦刑惇夫嘔血方病肺

病起

洛涘歸來復兩京誰憐輾轉此勞薪一彈指頃皆陳迹
三折肱餘是幸人蹋雪預儲鞞角早畏寒時喚怕頭顛
書聲無下慚兒子他日紛綸井大春

兒子學殖隨來解舍五經比能背誦

矣

寄答吳寶崖

遠辱詩相憶深憐病未瘳孤雲天北角寒浪海東頭寂
寞仙人藥蒙茸使者裘長懷阮公嘯逸響振林丘

祭酒諸生耳承

恩在紫宸月分紅粟貴歲賜錦袍新已有名驚座何勞
戲答寶明年看扈從綵筆頌東巡

漫興八首

支分藥竈與茶鑪一榻蕭然長道情
皂帽人誰念西笑
赤蛇官果有東名海凌欲合風
驚牖沙雨將來霧塞城
漢室蘭臺周小史拾遺曾否記陪京

吠鹿不警樂年豐

聖主恩深萬物同九譯梯航來海外
二陵風雨護天東
悠悠黑水無沈羽渺渺扶桑有挂弓
塞上百年烽火息
健兒吹笛戍樓中

天長漸入婆娑府地散偏宜漫浪人
求藥轉嗟成市少

鑿坏何異在山貧郡中有客占諸蔗雲際無羅網鷓鴣
誰似平生舊遊好經營消息不辭頻

薄田故里久荒蕪立稅遼東計更迂米賤祇應隨日糶
酒香未缺不時須城訛烏尾邊風勁臂掣鷹鞬塞草枯
聞見物情思妙理負暄聊可忘朝晡

尺一何時喚我歸年來得失總忘機竒思屬國公沙穆
老作遼天丁令威京兆未須嫌五日塞垣今已逼三微
無人得似長岑長不樂之官便拂衣

雅宜羸骨早裝綿塞堦應從北戶偏容共語時須勝日
鶴知寒甚是今年冰原鼠入谿砮谷雪窖人埋黠黠天

萬騎幽陵方會獵書生虛控射臬弦

上林賦射遊臬
註臬羊山精也

何由杖履得追陪

謂漁洋先生

隔水雲颿去復迴歲月崢嶸

歷冰雪海山明滅見登萊鰲身跋浪千重沸蠶尾回燈

一卷開

先生新刊蠶尾集

想到尚書遊賞處琅琊初日最高臺

貢包歲歲自平州驛道輪蹄雨雪稠五葉復齊珍上藥
千金貂煥識名表人才瑰異應如此冊府遺亡尚可求

刀布他時隨計吏諸生好待八紘奴

題吳仲圭墨竹譜

猗猗淇園千頃綠三年坐卧意未足歸來合眼想檀樂
別有風流在卷軸海東叩門無所詣悠然看畫如看竹
吳生靜者藝絕倫落手天機謝拘束逸韻先封瀟灑侯
清陰已入篔簹谷橫斜自見風掃筵欹倒如聞雪壓屋
窺窗掩冉搖碎金吹籟清冷憂寒玉梢頭片雨筆可追
枝上輕烟墨能蓄連叢忽漏月流夜病葉將零霜脫木

壯士幾輩直幹排劍拔十尋高節禿殷殷中宵雷雨過

鹹鹹錦裯頭角蠹底須縱筆如笙大

趙士安好作笙竹

轉笑成

形似紆曲

文與可每作竹况人朝士張潛迂疎脩謹文作紆竹贈之

淺深向背生意

真朝暮陰晴清景逐湖州筆力儼猶在宣和院體嗟已

俗金錯刀偕鍾隱能鐵鈎鎖許誠懸獨自言神明出規

矩要令披猖有邊幅不學誰能心手應以小喻大當三

復年來與世絕愛憎漸覺心源少振觸偶然玩物有此

癖何異小夫金守積通靈妙畫會當去羽化銀杯哂童

僕巧偷豪奪兩未知聊喜烟雲一過目

題節孫盛京竹枝詞後

藻績文成五色波採將風土入絃歌青田萬里聞仙語
枉道星星不解多

竹枝哀怨楚人聲移作猗那頌太平未必歌詩有何武
試從東國選諸生

穀賤行

江南得米如得珠關東下飢雞與豬我馬在樵市東芻

結橐纍纍子粒俱問之市人笑盧胡家有遺穗無逋租
酤酒賽神神降巫村場擊鼓連臂呼女有衣裳男袴襦
樂哉此樂無歲無今夏小旱豆莢枯皇皇問井憂妻孥
幸天出雨困乃蘇豐樂慎勿忘饑劬大瓮小甌粟謹儲
今年要備明年須君不見堯湯水旱古來有勸農合在
循良守

馬廠行

遼水東西一千里泉甘草豐地莫比休誇黃澤接黃池

不數白沙如白水年年國馬一萬匹
圍人牽來內廐裏
三千歲字額有常
騏驎好兒天驥子
馬官減豆馬不肥
天寒瘦骨猶權竒
空聞非子主汗涓
遠念太僕領幽岐
後來坊監法一變
顧視逸足無新羈
熙寧保社散諸路
元豐茶馬為一司
憶昨河湟通互市
商賈班班車罕至
聖主方哀漁奪私
羣公且言辜權利
自從使者罷河西
邊人老幼懼扶攜
如今龍種生東海
不用崑崙八馬蹄

登角山寺

寺在
山海關
北角山頂

石磴千盤上松濤絕頂聞四虛風縹緲大海氣氤氳黯
黯蜃成市飄飄鶴出羣老僧茶話久堦下已生雲

洋河

羣山合沓烟翠迷泱泱冰雪鳴寒溪人家高下隱喬木
最好夕陽洋水西

盧峯口

山銜落日盡路入盧峯口高柳小茅菴門前鴉在否
一禹鴻臚尚基為予作出關圖裝背未及而行歲杪

重入國門展卷題四絕句

白山黑水一閒身
圖裏傳來已逼真
縱少詩家好標格
出關也似入關人

海東萬仞雪嵯峨
路入遼西氣便和
重上關門一延首
盧龍塞繞白狼河

勞勞車馬在塵中
物外閒心寫最工
宛似龍眠老居士
陽關著箇釣魚翁

貽書誰問邴根矩
問俗人知王彥方
我賸杜陵遺恨在

不曾飛檝薄扶桑

儗居甫定忽忽改歲矣慨然有作

九死餘生似斷蓬得還那復問窮通管寧皂帽有時淨
范蠡扁舟何所終華表鶴驚新歲月畫梁燕認舊房櫳
烏頭馬角歸來日好在春杯艷艷紅

詠齋中水仙

巳丑除夕作

一重簾外即飛霜小燧幽花護曲房天與風光殘臘後
人教位置早梅旁清姿自擢娟娟秀素艷時披脈脈香

折贈春湖有遊女凌波先拜水仙王

懷清堂集卷十二

欽定四庫全書

懷清堂集卷十三

吏部侍郎湯右曾撰

次韻查悔餘編修元日試筆

手板未能趨北闕
蹇驢且免借東鄰
傳杯後飲今逾後
去癘神巫久不神
一夕白頭遼海夢
三年紅縷汴州春

東坡元日詩堆
盤紅縷細茵陳

新來又復隨兒女
綵勝銀幡作上寅

再得一首簡悔餘

相愛相於分最親
道南道北況為鄰
老欺病骨全無力
筆笑詩翁底有神
雪帶金門將盡臘
花偷碧海未回春

今歲正月
六日立春

更思釀黍邀同醉
恰喜今年歲在寅

聞悔餘齋中菊花入春色
香不改亦一異也作一

首箇悔餘

幾見黃花秋復春
別含淑氣轉洪鈞
金堂玉室常溫地
綠髮蒼顏不老身
詎肯前驅為桃李
要將晚節鬪松筠
天教留作先生瑞
草木應知臭味親

再次悔餘見洲韻學白體

來看濕雪冷烟中尚有餘香戀故叢對客留連誰送酒
助君愛惜自障風往來筆札添詩興顛倒春秋笑歲功
任爾溫房烘不出好誇都市賣花翁

次韻王樓村送桃花一本

立春後三日

點注天挑出小枝也看碧葉間紅蕤江南三月屏風上
寫徧徐熙畫裏詩

曲曲迴塘短短籬映門猶記乞漿時鬢絲禪榻春風少

誰省三生杜牧之

元夜前三日樓村悔餘西谷石臣小集寓齋以鈎

字立韻

樂事衰遲強半休空傳九陌逐燈毬故人地近能頻過
遙夜情親更小留聲靜惟聞棋落子局喧忽笑酒探鈎

皆是夕
實事還期病起春風在排日同為爛漫遊

疊前韻

老病真宜急退休廿年回首月燈閣名毬敢叨故祿三分

去虛為頭網八餅留世事難尋孟下覆人情誰測掌中
鈎些些似得幽居趣碧海新圖作卧遊

答人餉瓜二首

把鋤已似到西疇老圃風神有此不他日秋瓜動秋思
憶君如憶鄭瓜州

春苗夏熟蒂秋除蒲鵠青青似愛渠十七篇書傳野老
韋郎休笑理生疎

題寶崖杖頭貫酒圖

酒泉直欲就先生玉饋澄泓似鏡清轉笑能詩何水部
生來從不識杯鐺

百錢名輩有遺風似爾清標約略同裘屐諸郎半年少
故應入座問車公

為雲舉編修題蘿軒山水畫扇

渴者每思飲饑人恒說食連旬望甘霖人帶憔悴色天
公幾時出號令坐令油雲蔽天黑招提有容掃北窗造
化挽回由筆力誰言雨氣終虛無淋漓妙墨為先驅林

木淹霑潤不枯巖谷霾翳陰風俱何來此扁舟無乃舊
釣徒跨溪作橋約往看波跳珠渺然幽思凌江湖沙平
渚遠不可攀更添茅齋倚絕壁是中端合置老夫樂哉
冰壺已濯魄何用伊川買泉石圖成試問持贈誰玉堂
才人紫烟容似從魚鳥共飛沈已覺山川在咫尺平生
笑李成但得平遠工豈嘗師范寬凜凜盛暑中伏日割
肉明光宮歸來傳翫招我同阿香門外鞭癡龍明朝一
尺街泥融莫言放手難須知用心苦置君懷袖定何許

會令青天出風雨

送友之闈中

東西澄澈兩溪分
仙穴時時起白雲
此去真如駕鸞鶴
會應親見武夷君

文公精舍隱屏邊
小劫應論八百年
待擬相招到雲窟

誰言謗道是神仙

文公隱屏詩下有雲
一窟仙人久相招

席上

上下花光與燭光
周遭碧樹映紅堂
一時嘉會人傾坐

四卷纖雲月照廊無事且論今夕飲有懷還發少年狂
凜秋節物春暄暖誰道青驄滿路霜

寄錢石臣侍御

蘭臺梧掖忝為鄰龍尾螭坳總近臣回首十年如過雨
相看一笑等前塵貧無夾轂雙官騎病念扶藜二老人
余亦久困羸疾因用東坡和錢携父堪笑東西二老人句 歸日清陰還待我兩家同
占綠楊春

蕉飲南歸江都郵示近集作此寄簡

應劉俱異物

謂元朗
赤行

岑范各衰年與子深相憶新詩好

共傳煮鹽饒估舶伐荻足江田一誦蕪城賦真思隱似

仙

題華亭少宗伯甲秀園圖

謝公有丘壑遠在五湖湄共指青山宅遙翻赤羽旗

天題留尚濕

睿賞出常遲兩度遊歌地千秋魚藻期

昔者扈

仙蹕曾經到午橋九峯分映戶一水暗通潮日照苔階
麗雲依綵仗飄至今圖畫裏彷彿聽咸韶

閏七月二十六日過一莖庵

試拈一莖花往問文殊師如何大地藥不救霜生鬕秋
風灑袂秋窗曉清淨莫嫌詩自繞蝸角蚊巢有戰爭回
頭未覺茲庵小

同雄飛文子雪子以不雨晝常陰句足成一篇

病謝驅馳力秋知黯慘心乍寒人已覺不雨晝常陰天

外雁初到草根蟲苦吟無絃會幽意留取淵明琴

送文子南歸

請歌毋庸歸驪駒已首路秋霖泥滑滑漸車不可渡一
帆直沽雲千里逐鷗鷺羣書滿船繫清景隨所寓憶昔
榴花明言指嵩陽樹回頭一寒暑相隔如晨暮今來無
幾時告別返江步故人猶故態脫略見情慄我老心尚
孩談諧苦無度聊煩答賓戲未敢令公怒相過沈昭畧
礪房蛤蚧食不顧王郎雄飛拔劍歌既茹還復吐眼中

二子在谿達肝膽露其餘異死宿草荒墟墓四十年
來事天地莽迴互猿鶴與沙蟲擾擾詎知數子今存一
縉未是折腰具歸歟且慰意能事託毫素清齋首宿盤
不受酒肉汙雖傷歲時晚未恨才名誤家奉一先生經
傳小章句蘇湖遺法在弟子望戶屢明年當從君寒廳
展良晤尚思王與沈共宅清漳住大火方西流長河復
東注儒冠雖冷落終竟勝紈袴繞膝有嬌兒對案有佳
婦到家秋正中圓月看顧免

簡吳小眉

君就招提宿清香入院時綠槐風細細冰簟雨絲絲秀
句人爭誦閒情自不知白蘋汀上路傳得柳家詩

題宋蘭揮芟梁撰杖圖

玉井有蓮花亭亭十丈直如船進雪藕誰云慻不食讀
書適時用秘此禁林職伊人含清姿妙意寄水墨悠悠
西陂賞渺渺東山憶折莖下芳洲澄鮮秋水色何郎霧
夕句宿昔心已識

雨霽

聽盡終宵雨開門朝日暉
關生花有態獨下鳥忘機
焙藥題新爨燒香理故衣
蕭間只如此已覺往年非

秋海棠

海棠何有此蜀府未知名
朝日芙蓉色秋風薜落生
羣應憐小草紅欲艷傾城
移作清齋供幽香配杜蘅

送陳五玉之廣陵

名何減驃騎子方在第五
賈氏諸弟昆季也虎最怒文

度置膝上當年記懷祖我每到君家輒共阿戎語流年
飛電過頭顱各如許翩翩書記才彩筆懸幕府開懷淨
冰雪不遣谿壑阻曾看橫海鯨東誇朝日吐三年陳留
郡為愛風俗古南登滕王閣帝子弔江渚今茲廿四橋
雷塘滿禾黍平山聊騁望千里入平楚過江六朝山一
一澹可數茲游殊不惡况乃得賢主歲晚歸去來片帆
買江許卧聽吳孌歌一枝響柔櫓到家臘瓮熟呢呢話
兒女白鬚有賢兄夜聽對床雨間繞西湖寺勝踰東華

土俗士難與言寂寂笑鄧禹

齋中青瓷整一嘉萬間宮中物也偶成四十二韻

陶旋工精藝宮庭歲進甃尚方傳甃器雅具列香墀采
奪三雲殿光搖百子池土釧雖質樸瓦注更歲蕤婀娜
花全繞丰茸葉倒披赤霄翔孔雀丹陛翊文螭方丈山
茵翠昆明水渺瀰偶然留小物亦足訪前規摩刮八堪
鑑雕鏤烏細窺堅疑山斲骨滑想玉流脂雨過遙天後
山橫積翠時此時看秘色是處映清姿古佛螺盤髻飛

仙黛作眉削成青瑪瑙瑩出碧琉璃石鼓形如肖絃靴
柄莫持雨中迷瑟瑟霜後認差差位置應何所承平畧
可追低凭緣闕草小立為爭慕清暑晨常到迎涼晚最
宜止惟依鹿女眠只護鴉兒豈有緇塵拂常勞紅袖垂
坐來彈錦瑟倚去寫烏絲一自軍烽急驚聞戰角悲銅
槃嗟已折金盃出無期似爾真流落如人閱盛衰未曾
同壁碎且得共栝遺飄蕩隨門柳荒寒帶砌葵自憐時
代改莫笑主人為寒露零逾淨衝風撼不欹恍依鴉白

歌任當馬韜騎蒲倚歡相得繩牀據似之看雲嘗獨起
待月或頻移詎可橫成枕誰教破作甌枯藤空自裹舊

繡漫輕施桐葉留詩客貓雛配畫師

王凝有繡
整獅貓圖

泥澄官

置局油徹內分司往者曹皆偶今茲數只竒愛因同鐵
石嘲是近尻睢萍實浮寧類匏瓜見定疑底須論國寶
已擬算家貲翡翠無留羽珊瑚有斷枝人間今昔意於
此感成虧

送大司寇韓城公

三千著律令原本忠厚意古者師朱儒輕典用頌繫刑
書雖鑄鼎往往傳古義狼牧而虎冠後世進酷吏誰能
一杯酒獄豻洗冤氣足知三刺聽詎有百金利我我韓
城公明堂棟梁器秋官大司寇職在讞鞠地惟良助仁
德實布

天子惠粒米盜太倉臯重法不貴見知相從坐盛世無
此例公乃正色爭獨先在廷議飄然遂去國鶴聽九臯
喉西歸太華山三峯卷清霽彈琴石室內雲牖夜不閉

日月當高旻迴照豁陰翳會當不遠復藉以風有位仁
心待表公豈止理獄事

秋日登大悲庵後亭

石幢重到訪遺經秋色蒼然落此亭鴻雁影低連古堞
蒹葭聲冷遶迴汀如絲氣上龍泓白滿月光搖佛髻青

願證諸天菩薩戒自今刀几謝羶腥

亭今為
燕飲地

胡南荅少宗伯繼至中路相左遣人相要作此代

簡

閒來半榻借僧房，消得風檣一炷香。
自在天中初放眼，祇陀林外別開堂。
已教寂歷移長日，悔未遲留待侍郎。

今夜松門最明月，故應對酒憶求羊。

謂子與仿亭

中秋同南苔少宗伯集阮氏林亭

未覺從公懶，先來待月生。
泥休拋酒盃，閒自愜詩情。
樓

迥光先得輪，孤影倍清更。
教攜鐵笛吹徹九秋聲。

座有范生

善吹笛

將移居為庭前老槐作一首

十年種一木制器亦速朽不如楚冥靈彭殤閱天壽空
庭有老樹常伴衰病叟去年冰雪中結此歲寒友今來
春復夏美陰交牕牖時橫穿膝榻每屈學書肘僦居半
為此不惜添券負往從顧翰林

山容

初來踏門鈕舍人

在衛

復繼至數此接杯酒當時嘉樹下獨立嗟賞久豈

知三十年清陰落吾手人亡物故在時往事復偶秋聲
忽夜發萬竅爭號吼洵疑海濤翻若似蒼龍走披衣起
危坐默感先零柳感此亦何為借問樹知不恒河曾不

異我自成老醜茲來得三宿去意復八九移家住巷南
攜持到雞狗胡為獨去汝惆悵辰逮酉萬牛挽不前一
夕徙何有誰當慰老夫戀戀屢回首

題寶崖西溪梅雪圖

沿山十八里家家種梅樹春來梅花發繞屋不知數迴
風似絮起掃石疑雪聚空外聞暗香莫識經由路其中
有清溪屈曲相貫注居人通往來但用畧約渡因之車
馬絕惟見桑竹互我少即嬉遊舴艋先羣鷺朝隨樵唱

遠暮與僧鍾遇每緣乘興往不待佳招赴何異桃花源
十步九迴顧蹉跎盛年改悵望良辰鶩雲中指雞犬物
外走烏兔何來披此圖曠若發新悟心猶依故處遊尚
記前度連村冰雪晨漠漠散香霧幾時三畝宅真向此
中住漢廷馬相如方誦美人賦吾歌紫芝曲一笑煩顧
誤

黑龍潭

太始有劫灰淪在虛無底黑江流不盡上作波瀾瀾何

年截潭洞澹泞忽而止有時腥風來蒼鱗感不起幽沈
墨瀟色神物蟠其裏歲旱禱祠官牢醴走祝史靈旗紛
偃蹇百祥爭來委明朝舞尙羊父老賀邑里今年苦靈
潦彌望沼與沚龍宮何奔忙符下疲役使秋深始澄霽
游衍迨暇晷泓上久裴徊照影風日美餘潤壯蓬葦微
馨發巖芷古井團圞天空明即此是吾聞龍至神幽潛
清不滓以彼變化力巨海易事耳胡為居穢濁曾未窟
宅徙老湫怒忽拔劈石勢未已便恐風雨來咫尺隨履

展

憶安宜舊遊雜成十詠

採菱剝芡繞湖潯萬頃波光鼓枻吟微月初生舊遊處
五年塵土尚關心

跳丸日月送居諸靜裏深知意有餘樂志堂中三改火
草荒行逕手鈔書

人傳柱史有陰功玉屑諸郎愛阿戎拋却兔園邨冊子
枉教白擲得師風

閒來舊夢記為新
曼綠天紅作冶春
一曲城南新泚水
漫天飛絮獨遊人

驚鴻照出水盈盈
霧夕霞朝別有情
今日陶園太疎索
只應添得讀書聲

閒布楸枰屬思遲
攢仙風味少人知
年來黑白費騰過
慚負秋堂落子時

書巢風義我師友
海內論交託契真
四百頃田隨老盡
幾人還念鄭公貧

文史笙竽各有徒
王郎別後調還孤
不知半影迴衾夜
老大心情合減無

傍水周迴百本梅
中間曲閣間平臺
角巾私第知無恨
月底花前總看來

當時競病記分題
夢斷西廊月向低
惟有耽書宋公子
過牆濁酒數招攜

排悶

繞石花枝被徑莎
一春能得幾經過
苦因拘役閒常少

祇為衰羸病較多行藥欲來還懶散畏風將到又蹉跎
何時會客西亭上撥盡朱絃卷白波

荒祠

古牆剝蝕碧苔滋肅肅靈風起薄帷雀闕但聞簷墮瓦
狐鳴不見火穿祠時來時去真徒爾諸布諸嚴未可知
九牧有金堪鑄鼎大科文字更憑誰

次韻奉酬何義門

詩興揚州喚卻回如醫獨帶墨光來埋盆點檢春前景

炊飯分張爨下材一寸抱將寒夜永數枝橫似故山栽
知君鑪鞴陰陽手鼎寶他年佇上台

苑西佛寺中見楊花

長廊吹雪復吹綿楊白花飛絕可憐綠葉暗來春老矣

紅樓飄去夢依然每添振觸綠孤驛

放翁詩曰梨花堆雪柳吹綿常記梁

州古驛前二十四年成昨夢每逢春晚即
凄然予少壯客遊與詩中意緒約畧相似

曾共兒童捉

小年間對東風兩惆悵海棠零落佛堂前

院中有海棠
二株連日委

地盡
矣

題胡永叔五湖歸去圖

蝦菜歸心落五湖，擢郎歌罷月輪孤。正從松菊田園外

別寫淵明歸去圖

宣和畫譜李公麟畫陶潛歸去來兮圖不在於田園松菊乃在於臨清流

處

水雲那得便浮家，閣道方看上漢槎。人物他年問江左，
謝琨第一擅風華。

長夏間居一首

公門少暇日，解帶亭午餘。勞煩失本性，永懷靜者居。茲

焉及休澣偃仰聊吾廬林深寂無人密蔭青扶疎巖石
角卽露野卉縱橫舒夜來時雨過新馥扇紅蕖前有盈
尊酒後有插架書浮念一以遣身世同曠如

六月四日喜雨

莫厭漏移牀莫驚響塌屋且將一尺雨洗此經月溽砒
旬雷震耳旋繞電掣目三更始安眠不遣睡蛇觸明朝
衝曉出人事雜歌哭束帶隨羣公流汗若新沐緬維山
中士冰雪盈一朷朝看清泉流暮與停雲宿往從未有

路安得騎鴻鵠復念久旱餘羽舞徧川瀆焦勞有

明主感召天意速枯莠一朝起秋稼行成熟吾寧免營
營得飽願已足

病中簡蘿軒

連牆無日不過從會散時聞寺打鐘老念據鞍猶壯士
病餘欵枕只衰容能來看畫茶方熟肯共題詩墨正濃
一院綠陰清晝寂待君履跡破塵封

辛卯六月廿二日蒙

恩宣賜諸臣瓜魚二種以遲到不及堅齋少司馬分魚
一頭口占志謝

蹣跚步緩失瓜期門下空歌彈缺魚後至我應甘薄責
先嘗君特肯分餘蒸來翠釜金鱗細膾出銀刀雪片虛
得一何心敢專饗便歸灑掃待高車

蘿軒為柳舍漁莊圖見貽題云寓招隱之意悵然
得四篇

咫尺幽居味心知在筆先波喧澗湖雨葉暗宛溪烟摩

詰詩中畫琴高水上仙會須看二老一葉占江天
柳蔭村南宅漁添舍北莊端居只遙憶好景忽分將石
徑叅毫末雲根接混茫五湖秋浪碧移入讀書堂

彷彿風烟路分明毫素中攀條東澗老狎浪太湖公斷
惜沾泥絮低編曬網蓬心欣隱淪諾白也古人風
此地應曾到何時得重尋蹉跎長往計惆悵未歸心濠
上知魚樂湖邊愛柳陰盧鴻草堂本貴重百兼金

懷清堂集卷十三